



COMUNU DE CERÀXIUS
Tzitadi Metropolitana de Casteddu

N. 246
De su 30/12/2020

Deliberatzioni de Giunta Comunali

Ogetu: **ASSENTU ORGANIZADORI DE SU COMUNU - APROVATZIONI MACROSTRUTURA NOA.**

Copia

S'annu **2020**, sa dii de su **30** de su **Mes'e Idas**, tzerriada me is maneras de lei, in sa Domu Comunali, s'est acorrada sa Giunta Comunali, a is oras 12.45.

A s'apellu torrant sceda:

Sangunau e Nòmini	Califica	Presenti
CONCU PIER LUIGI	Sìndigu	EJA
MAMELI GABRIELLA	Vice Sìndigu - Assessori	EJA
GESSA LUIGI	Assessori	EJA
PERRA MARIA FULVIA	Assessori	NO
RELLI ROBERTA	Assessori	NO
PORQUEDDU SANDRO	Assessori	EJA
CIONI RICCARDO	Assessori	NO
Totali Presentis: 4		Totali Ausentis: 3

Assistit su Segretàriu Generali Dot.ssa SESTA CARLA

Su Sìndigu, Dot. Ing. CONCU PIER LUIGI, cumentu Presidenti, decrarat oberta sa setziada, apustis de àiri averiguau su nùmeru legali de is assessori lòmpius e ponit in chistonu s'ogetu prevèdiu in s'òrdini de sa dii.

SA GIUNTA COMUNALI

Bia sa propònnida de Delibera de Giunta Comunali nùmeru 297 de su 29/12/2020, a firma de su Sindigu, chi tenit cumenti ogetu “ASSENTU ORGANIZADORI DE SU COMUNU - APROVATZIONI DE SA MACROSTRUTURA NOA” apariciada de su Servìtziu imbordigau;

Biu s’artìculu 97, comma I^u de sa Costituzioni chi previdit chi is ufìtzios pùblicos depint èssiri aparicius sighendi is disposiduras de lei, de manera chi siant asseguraus su caminu bonu e sa imparzialità de s’Aministratzioni;

Biu in prus su D. Lgs. 18 de austu 2000, n° 267, chi in is artìculos 3, 7 e 89 entregat a is Entis Localis sa podestadi organizzadora sighendi is allegas de autonomia, funtzionalidadi e economicidadi de gestiono e sighendi is allegas de professionalidadi e de responsabilitadi, cun seti is trèminis chi benint de is cpaiduras de balanzu cosa sua e de is apretus de esercìtziu de is funtzionis entregadas a cussus;

Biu puru s’artìculu 2 de su D. Lgs. 30 de martzu 2001, n° 165 aundi is Aministratzionis punnant sa organizzazioni insoru, intre is atras, a is allegas de funtzionalidadi e de indullidura bia a is impèrius e a is programas de sa atividadi insoru, in sa cumpridura de is tareas de atùliu, eficatzidadi e economicidadi;

Cunsiderau chi s’artìculu 48, su de tres comma, de su D. Lgs. giai numenau n° 267/2000 (TUEL) entregat a sa Giunta Comunali sa competèntzia apitzu de sa regulamentatzioni apitzu de s’Ordinamentu de is Ufìtzios e de is Servìtzios, arrespetendi is critèrius generalis scioberaus de su Cunsillu Comunali;

Arregordada po custu sa deliberatzioni de su Cunsillu Comunali n° 131 de su 17 de Mes’e Idas 2010 chi tenit cumenti ogetu: “ALLEGAS GENERALIS PO SA APARICIADURA DE SU REGULAMENTU NOU DE IS UFÌTZIOS E DE IS SERVÌTZIOS DE SU D. LGS. 27 DE MES’E LADÀMINI 2009, N° 150.”;

Arregordau in prus su Regulamentu Comunali vigenti apitzu de s’Ordinamentu de is Ufìtzios e de is Servìtzios e de sa Performance aprovau cun deliberatzioni de sa Giunta Comunali n° 123 de su 31 de Mes’e Idas 2010;

Cunsiderau chi in su Tìtulu IV - Càbudu I de su Regulamentu in esàmini benit apariciada sa struttura organizzadora de imoi de su Comune, spratzia in Àreas chi rapresentant sa unidadi de mannesa màssima chi imbòrdigant - po sa agatadura de is funtzionis - servìtzios e/o ufìtzios, Àreas aundi ponni Funtzionàrius de Cat. D cun s’incàrrigu de responsabilitadi chi benit de s’entrega de is funtzionis dirigentzialis;

Torrada a arregordai sa deliberatzioni cosa sua n° 17 de su 29 de Gennàrgiu 2019, cumpridora cunforma a sa lei, atruessu de sa cali sa Aministratzioni Comunali at torrau a cuncordai su schema organizzadori de s’Enti, aprovendi sa macrostruttura de imoi cun sa ridefinitzioni de is competèntzias bona po su 18 de martzu 2019;

Arregordau innantis de totu chi sa struttura apariciadora noa incingiada cun sa deliberatzioni numenada ainnantis n° 17/2019 fiat ocasionada de s’apretu de sighiri ainnantis de cun s’amuntonamentu de funtzionis, e custu cun sa tarea de impitica su spratzinamentu de is tareas intre is medas Dìretzionis in su sìtiu de sa pròpia procedura, siat de assegurai una impèllida prus manna a unas Àreas chi fartant de prus de risorsas umanas, atruessu de sa apariciadura de struturas amministrativas noas ineràrea;

Chi custa interbènnida de mudàntzia de sa macrostrutura chi ddoi est giai fiat finalizada puru a s'assentu suu a is disposiduras vigentis po sa prebènnida e sa cracadura de su corrupimentu e de sa illegalidadi in sa Aministrazzioni Pùblica cumentu puru po s'allega de trasparèntzia;

Tentu presenti chi su modellu strutrali chi ddoi est previdit is seti Àreas chi s'ghint funtzionalis e sa unidadi apariciadora tzerriada "Staff de su Sìndigu", cun tareas de apoderamentu a is òrganus de diretzioni polìtica cunforma a s'artìculu 90 de su D. Lgs. n° 267/2000;

- ❖ ÀREA SÒTZIU-ASSISTENTZIALI - AMINISTRATZIONI RISORSAS UMANAS E CONTABILIDADI DE SU PERSONALI - CULTURA - SPORT - TURISMU
- ❖ ÀREA BALANTZU - PERFORMANCE - INTRADAS
- ❖ ABOGADURA COMUNALI UFÌTZIU AFARIS LEGALIS
- ❖ ÀREA AFARIS GENERALIS - UFÌTZIU ARRENDUS E CUNTRATUS - URP - ECONOMAU - ANÀGRAFE - ELETORALI - STADU TZIVILI - STATÌSTICA
- ❖ ÀREA URBANÌSTICA - SERVÌTZIUS INFORMÀTICUS - UFÌTZIU ASIENDA - UFÌTZIU SPODESSIMENTUS - IGIENE URBANA
- ❖ ÀREA TRABALLUS PÙBLICUS - SERVÌTZIUS DE CAMPUSANTU - BIRDI PÙBLICU
- ❖ ÀREA POLITZIAS LOCALI - ATIVIDADIS PRODUSSIDORAS;

Abetau chi su modellu generali de organizatzioni , dònna borta agatau de s'Enti, si pigat sa geia transidòria poita est arrechèdiu chi siat dònna tanti aconciau a sa tarea de ndi amanniai is profetus cumpridoris e, intzaras, a is apretus e a is dimandas de servìtzius po parti de sa culletividadadi, in prus chi a is acontèssius alliongiaus a is prioridadis scioberadas de su DUP;

Chi s'organizatzioni de s'Enti, alliongiada a una allocatzioni arrexonada e profetosa de is risorsas umanas, rapresentant levas de fundòriu po podi apariciari diaderus is polìticas de s'Aministrazzioni;

Chi, intzaras, no si podit scaresci una aconciadura s'ghia e profetosa de is assentus apariciadoris cun sa tarea de ddus incarrerai beni a is tareas chi depint lompì;

Donau àutu po custu chi est scioberu de custa Giunta Comunali amellorai s'organigrama de s'Enti atruessu de sa riorganizatzioni de is stremus traballadoris, su amanniamentu currìgiu de is medas Diretzionis, sa otimizatzioni de is risorsas umanas e de sa calidadi de is servìtzius frunius de totus is unidadis operativas;

Chi po custa tarea est stètiu scioberau de impreai s'atividadadi de espertus apitzu de custa allega chi s'iant de agiudu a sa operatividadadi costumada de s'Aministrazzioni Comunali bia a s'amelloramentu de sa strutura organizadora in trèminis de assentu intreu e de entrega de arrolus e responsabilidadiis diferentis rispetu a su schema de imoi;

Chi sa Sotziedadi incarrigada est aparicendi su progetu de riorganizatzioni chi at a permiti, s'ghendi su caminu de is cumpetèntzas de aintru, s'afilladura de unu modellu apariciadori nou, modernu, e chi siat bonu a amellorai s'atùliu operativu e s'eficatzidadi de is prestatzionis donaus a is impreadoris, de otimizai s'impreu de su personali, e puru de imbasciai is livellus de gastu atruessu de sa ratzionalizatzioni de is struturas;

Carculau chi, abetendi sa revisioni generali de sa macrostrutura de s'Enti, cun sa tarea de donai cumpridura a su programa amministrativu, in su càstiu de unu alliongiamentu profetosu intre is risorsas umanas a disposidura e a is tareas generalis e stratègicus cuncordaus de s'Aministratzioni Comunali, bessit cumenti improcrastinàbili sighiri a innantis bia a una aconciadura apariciadora e funtzionali, atruessu sa apariciadura de duus unidades organizadoras noas, amanniendi intzaras de 7 a 9 is Àreas Cuadru de imoi, e sa torrada de configuratzioni de is cumpetèntzias de entregai a totus custas Àreas imbordigadas;

Cunsiderau chi cun custu traballu de “assentadura” si bolit intzaras donai una mudàntzia de s'assentu organizadori de su mundu burocràticu chi permetat una crobetura de totus is funtzionis de s'Enti prus arrexonau, atruessu una agatadura prus crara de is cumpetèntzias e de s'arrolu totus is struturas, e chi in su matessi tempus assegurit unu acostiamentu prus arrexonau de is funtzionis de donniuna de cussas e de is alliongiaduras chi pertocant in Servìtzius e Ufitzìus respetu a su modellu struturali innoau cun sa deliberatzioni numenada n° 17 de su 29 de gennàrgiu 2019, chi at a depi tenni genia de temporaneidadi cun sa tarea de aconciai unus cantus strobis, barigauss cussus, cumenti acrarau de su Sìndigu e totu in s'àutu numenau, si aiat antetzipada sa tarea de torrai a aconciai sa autonomia de unas Àreas;

Agatau in custa tarea chi custa normativa vigenti numenada ainnantis po s'organizatzioni de s'Enti cumenti legìtima sa autonomia de s'Aministratzioni Comunali po agatai solutzionis profetosas a is strategias insorus e a is tareas beras e craras de atividadis, permetendi de apariciai una relata orgànica intre custus e sa strutura;

Biu intzaras chi sa strutura organizadora noa de su Comunu de Ceràxius previdit noi Àreas funtzionalis in logu de is seti de imoi (Alliongiàu “A”), mentras aturat cunfrimau s'Ufitziu de Staff de apoderamentu a is òrganus de diretzioni polìtica apariciau cunforma a s'artìculu 90 de su D. Lgs. nu 267/2000 e de s'artìculu 60 de su Regulamentu vigenti apitzu de s'Ordinamentu de is Ufitzìus e de is Servìtzius e de sa Performance;

Chi po dònna Àrea benint entregadas is funtzionis chi ddi pertocant cumenti funt amostadas in s'Alliongiàu “B”;

Cunsiderau de depi donai cumintzu a sa macrostrutura noa de s'Enti chi si aprovat cun custu àutu cumintzendi de su 1 de friàrgiu 2021, castiendi is tempus tènnicus chi serbint po is proceduras chi ant a depi èssiri ativas po sa graduatzioni de is Àreas e s'entrega de is incàrrigus de Posidura Organizadora chi currispondint;

Carculau puru chi apustis de sa aprovatzioni de su modellu organizadori nou de s'Enti at a èssiri netzessàriu imbordigai is unidades de personali aintru de is medas struturas castiendi a s'apretu funtzionali ocasionau de s'atividadi de riorganizatzioni, de fai in su tempus de aprovatzioni de su PEG.;

Donau apitzu de custa propònna de deliberatzioni n° 297 de su 29 de Mes'e Idas 2020 su parri favoràbili de su Diretori de s'Àrea SÒTZIU-ASSISTENTZIALI - AMINISTRATZIONI RISORSAS UMANAS E CONTABILIDADI DE SU PERSONALI - CULTURA - SPORT - TURISMU castiendi a sa regularidadi tènnica, cunforma a s'artìculu 49, comma I°, de su D.Lgs. n° 267/2000;

A s'unanimidadi

DELÌBERAT

De aprovai s'assentu nou de sa macrostrutura de s'Enti in sa spratzidura amostada in s'Alliongiau "A", chi fait parti integranti e de fundòriu de custa deliberatzioni;

De aprovai puru s'entrega a is struturas organizadoras giai numenadas de is funtzionis insoru, cumenti bessint aforas de s'Alliongiau "B", alliongiau issu puru a custa deliberatzioni po ndi fai parti integranti e de fundòriu;

De ponni cumenti cumintzu de sa strutura organizzadora noa su 1 friàrgiu 2021;

De donai àutu chi totus is Diretoris de Àrea incarrigaus ant a depi apariciai apustis sa apariciadura de totus is Àreas in Servìtzius e Ufitzius sighendi is allegas de funtzionalidadi e de indullidura, ponendi menti a is cumandus de s'artìculu 42, su de 6 comma, de su Regulamentu Comunali apitzu de s'Ordinamentu de is Ufitzius e de is Servìtzius e de sa Performance ativa aprovada cun deliberatzioni G.C. n° 123 de su 31 de Mes'e Idas 2010;

De donai àutu in prus chi is àutus de organizatzioni de is ufitzius, cumenti in s'acontèssiu de imoi, funt sugetus sceti a sa informatzioni a is Organizatzionis Sindacalis, cunforma a s'artìculu 5, su de 2 comma, de su D.Lgs. n° 165/2001, cumenti mudau de s'artìculu 2, su de 17 comma, de su D.L. n°95/2012 furriau in sa Lei n° 135/2012;

De decrarai custa deliberatzioni, biu s'apretu, cumpridora deretu, cunforma e po is efetus de s'artìculu 134, su de 4 comma, de su D. Lgs. n° 267/2000.

	Comunu de Ceràxius	Nùmeru 246	Dii 30/12/2020
--	---------------------------	-----------------------------	---------------------------------

Lìgiu, cunfrimau e frimau

F.AU SU SÌNDIGU
CONCU PIER LUIGI

F.AU SU SEGRETÀRIU GENERALI
SESTA CARLA

CERTIFICAU DE PUBLICATZIONI

Si deccarat chi custas deliberatzioni at a èssiri apicada in s'Albu Pretòriu de su Comunu po cùindixi diis sighius, de su 04/01/2021 finsas a su 19/01/2021 cunforma e po is efetus de s'art. 30, comma 1, de sa L.R. n. 38/1994

F.AU SU SEGRETÀRIU GENERALI
SESTA CARLA

Ceràxius, 04/01/2021

DATUS DE ESECUTIVIDADI

Cunforma a s'art. 134, commas 3 e 4 de su D. Lgs. 267/2000

Bennia esecutiva

☐ Esecutiva deretu

☒ Passadas 10 diis de sa dii de publicatzioni

F.AU SU SEGRETÀRIU GENERALI
SESTA CARLA

Còpia a impreu amministrativu po sa publicatzioni in s'Albu Pretòriu